

Skýrsla framkvæmdastjóra SAM árið 2012

Almenn starfsemi SAM var svipuð árið 2012 og undanfarin ár. SAM sinnti sameiginlegum hagsmunamálum afurðastöðva mjólkuriðnaðarins, þar með talið samskiptum við innlenda hagsmunaaðila og við alþjóðleg hagsmunasamtök í mjólkuriðnaði. Aðrir starfspættir SAM árið 2012 voru rekstur mjólkureftirlits og rannsóknastofa sem sinntu efna- og gerlamælingum í mjólk.

FRÆÐSLUNEFND MJÓLKURIÐNARINS

Verkefni Fræðslunefndar mjólkuriðnarins er að kynna mjólk og mjólkurvörur, hollustu þeirra og hreinleika. Stjórn SAM skipar fulltrúa í Fræðslunefnd, þar af einn að fenginni tilnefningu Landssambands Kúabænda. Árið 2012 sátu eftirtaldir í nefndinni: Guðni Ágústsson, Baldur Jónsson, Björn S Gunnarsson og Baldur Helgi Benjamínsson. Á síðasta ári vann nefndin að verkefnum samkvæmt samstarfssamningum við Beinvernd og Íþróttakennarafélag Íslands.

BÓKHALDS- OG FJÁRMÁL

Auk umsýslu eigin bókhalds annast SAM einnig bókhald fyrir Verðmiðlunarsjóð mjólkur og lögbundinn Verðtilfærslusjóð mjólkur. Ársreikningur Samtaka afurðastöðva í mjólkuriðnaði er birtur í ársskýrslu SAM, en ársreikningur Verðmiðlunarsjóðs og Lögbundins Verðtilfærslusjóðs er skilað til Fjársýslu Ríkisins. Frá árslokum 2008 hefur starfsmaður SAM einnig annast útreikning launa fyrir Mjólkursamsöluna ehf auk annarra verkefna vegna starfsmannahalds Mjólkursamsölnnar.

SKÝRSLUHALD VEGNA MÓTTEKINNAR MJÓLKUR OG RÁÐSTÖFUNAR HENNAR

Samkvæmt samningi við Bændasamtök Íslands annast SAM mánaðarleg skil á Framleiðslu-, sölu- og birgðaskýrslum fyrir aðildarfélög SAM. Þær upplýsingar sem safnast til félagsins með vinnslu skýrslanna mynda grunn að tölfræði sem SAM safnar og vinnur fyrir aðildarfélögin. SAM veitir tölfræðiupplýsingar um mjólkuriðnaðinn meðal annars til Hagstofu Íslands og alþjóða mjólkuriðnaðarsamtakanna IDF (International Dairy Federation). Þá eru skýrslurnar grunnur fyrir útreikningi á gjaldi til Verðmiðlunarsjóðs og á mánaðarlegum verðtilfærslum, sem reiknaðar eru samkvæmt lögum og heimildarákvæði laga. Ítarlega er fjallað um móttöku mjólkur og ráðstöfun hennar síðar í ársskýrslunni.

SAMTÖK MJÓLKUR- OG KJÖTVINNSLA Á ÍSLANDI

SAM er aðili að Samtökum mjólkur- og kjötvinnslufyrirtækja sem starfa innan Samtaka Iðnaðarins. Í samstarfi þessara þriggja aðila var á árinu unnið að gerð skýrslu um möguleika á vernd vöruheita og notkun upprunavottorða á vörum. Skýrslan var kynnt á morgunverðarfundum í september 2012 og atvinnuvega- og nýsköpunarráðherra hefur skipað starfshóp til að semja drög að frumavarpum til laga um vernd vöruheita.

ERLEND SAMSKIPTI

Aðalfundur alþjóðlegu mjólkuriðnaðarsamtakanna (IDF) var haldinn í byrjun nóvember í Höfðaborg í Suður-Afríku. Bjarni Ragnar Brynjólfsson, Jón Axel Pétursson og Baldur Helgi Benjamínsson sóttu fundinn sem fulltrúar íslenskrar mjólkurframleiðslu og mjólkuriðnaðar. Í kjölfar aðalfundar IDF var haldin ráðstefna þar sem farið er ítarlega yfir þróun framleiðslu, vinnslu og sölu mjólkur og mjólkurafurða í heiminum. Allar glærur frá fyrirlestrum á ráðstefnunni voru fluttar á tölvunet Mjólkursamsölnnar og þannig gerðar aðgengilegar starfsmönnum fyrirtækisins. Næsti aðalfundur IDF verður haldinn í Japan í lok október 2013.

Frá árinu 1996 hefur SAM verið aðili að norrænu samstarfi mjólkuriðnaðarsamtaka og fyrirtækja um mjólkur-
eftirlit og mjólkurgæði (NMSM). Þátttakendur í samstarfinu eru frá Noregi, Danmörku, Svíþjóð, Finnlandi og
Íslandi. Markmið samtakanna er að vinna að bættum gæðum hrá mjólkur með sérstakri áherslu á dýraheilsu,
mjólkurgæði, mjaltatækni og fæðun. Starfið er unnið í fjórum faglegum nefndum; það er nefnd um heilbrigði
dýra, um mjólkurgæði, um mjaltatækni og um fæður. Fulltrúar Íslands í starfinu eru Jón K. Baldursson í
gæðahópnum, Þorsteinn Ólafsson í dýraheilsuhópnum og Snorri Sigurðsson í tæknihópnum. Ársfundur
samtakanna árið 2012 var haldinn að Hótel Glym í Hvalfirði. Næsti ársfundur verður haldinn í Noregi í byrjun
júni 2013.